


2019-imi inuusuttunut ilinniarfiit

Saqqummersitami uani Kalaallit Nunaanni inuusuttunut ilinniarfinni ilinniartut kisimik sammineqarput. Kalaallit nunani allani inuusuttunut ilinniarfinni ilinniartut pillugit kisitsisitigut paasissutissat Naatsorsueqqissaartarfiup Kisitsisaataasiviani aaneqarsinnaapput.

2019-imi amerlanerulaartut inuusuttunut ilinniarfimmik naammassinnissimapput

2019-imi 711-t inuusuttunut ilinniarfimmik naammassinnissimapput. Ukiuni tulleriinni ilinniakkamik naammassinnittartut amerliartorusaarsimapput, 2016-imilu naammassinnissasut 803-ullutik amerlanerpaasimapput. Taamanili ukiumut nammassinnittartut amerlassussat 11,5 pct.-inik appariarsimavoq, kisiannili 2005-imiit 78 pct.-imik qaffassimalluni.

Titartagaq 1. 2005-imiit 2019-imut inuusuttunut ilinniarfimmik naammassinnissimasut



Najoqqutaq: Naatsorsueqqissaartarfik- kisitsisaataasivimmi kisitsisit takukkit (<http://bank.stat.gl/UDNISC11D>).

Ilinniamertunngorniarnermik naammassinnittarnerit amerlassusaat ukiup siulianisulli annertutigipput. 2019-imi ilinniamertunngorniarnermik naammassinnissimasut 283-iusut, ukiup siuliani 273-iusipput. 2005-imut sanilliullugu ilinniamertunngorniarnermik naammassinnittarnerit amerlassusaat marloriaatinngorsimavoq.

Inuusutissarsiornermik ilinniarfinni nammassinnittarnerit amerlassusaat 428-mut amerleriarsimapput, ukiup siuliani 395-iusimasut; qaffariaat 8 pct.-imiilluni. Taakkunanga 54-it niuernermik ilinniakkami MERX I-imi soraarummeerlutik naammassinnissimapput, ilinniamertunngorniarnermik

naamassinnissimasunut niuernerullu iluani ilinniakkamik toqqaasimasunut ilinniagaq ukiup affaanik sivissusilik.

Ilinniakkamik pineqartumik aallartitsisimasut inuusuttunut ilinniakkamik naamassinnissimareersuupput, taamaattumillu innuttaasut ilinniagaqarsimassusaannut tamanna sunniuteqanngilaq.

Inuusuttunut ilinniarfinni ilinniakkanik ingerlatsisut amerlassusaat nikingillat


2019-imi Kalaallit Nunaanni ilinniakkamik ingerlatsisut 2108-nik amerlatigupput, 2018-imilu ilinniartut amerlaqqatigaat. Inuusuttunut – aamma inuussutissarsiornermik ilinniakkani ilinniartut 2 pct.-inik annikitsumik appariarsimapput. 2011-miilli ilinniartut 345-nik ikileriarsimapput, tamanna 14 pct.-inik annertussuseqarpoq. Ilinniarnertuunngorniarnernik ilinniartut inuussutissarsiornermillu ilinniarfinni ilinniartut amerlaqqatigiinginnangajapput.

Inuussutissarsiornermi ilinniakkanik aallartitsisartut ikinnerusut, ilinniarnertuunngorniarnernik aallartitsisartut amerlanerupput

2018-imi inuusuttunut ilinniarfinni ilinniakkanik aallartitsisut 1.217-iupput¹, tamanna 2016-imut sanilliullugu 2 pct.-inik appariarneruvoq, tassani inuussutissarsiornermi ilinniakkanik aallartitsisimasut amerlanerpaasimmata. Ilinniartuunngorniarnernik aallartitsisimasut 2014-imi amerlanerpaasipput, inuussutissarsiornermi ilinniakkamik aallartitsisimasut 2016-imi amerlanerpaasut.

Agguaqatigiissillugu 20-nik ukiullit ilinniarnertuunngorniarnermik aallartitsisarput, inuussutissarsiornermilu ilinniakkamik aallartitsisartut agguaqatigiissillugu 27-nik ukioqartarlutik.

Titartagaq 2. 2005-imiit 2019-imut Kalaallit Nunaanni ilinniakkanik aallartitsinerit



Najoqqutaq: Naatsorsueqqissaartarfik- kisisaataasivimmi kisisisit takukkit (<http://bank.stat.gl/UDNISC11A>).

¹ Ilinniartut ilinniakkami pineqartumi siomatigut ingerlatsereersimangitsut.

Eqikkaaneq

Tabel 1. 2015-imiit 2019-imut Inuusuttunut ilinniarfinni ilinniartut ilinnakkap suussusaanut killiffimmullu immikkoortillugit

	2015	2016	2017	2018	2019
Ilinniarnertuunngorniarfiit					
Aallartisisimasut	512	463	456	474	462
Ingerlatsisut	1206	1097	1072	1074	1056
Naamassinnissimasut	346	370	298	273	283
Inuusutissarsionermit ilinniartut					
Aallartisisimasut	734	824	786	742	755
Ingerlatsisut	1096	1095	1066	1070	1052
Naamassinnissimasut	443	433	407	395	428

Najoqqutaq: Naatsorsueqqissaartarfik- kisitsisaataasivimmi kisitsisit takukkit (<http://bank.stat.gl/UDNISC11A>, <http://bank.stat.gl/UDNISC11B>, <http://bank.stat.gl/UDNISC11D>).

Periaaseq

Nalunaarsuutit tunngaviusut

Ilinniartitaanermut kisitsisitigut paasissutissani ilinniagaqarnersiuteqartitsivimmit (USF) nalunaarsuutit tunngavigineqarput. Nalunaarsuiffik ilinniakkanik ilinniagaqarnersiuteqarfigineqarsinnaasunik taamaallaat imaqarpoq. Kalaallit Nunaanni ilinniakkat qallunaanit ingerlanneqartut nalunaarsuutaat (politiinngorniarneq isertitsivinnilu nakkutilliisunngorniarneq) aammalu suliffeqarfiit namminneq ilinniakkat ingerlataat nalunaarsuutini ilaanngillat.

Periaaseq

Naatsorsueqqissaartarfiup naatsorsuutit atunnginnerini kisitsisit misissoqqissaarpai, nalilersorlugit aamma suliareqqillugit. Ilinniartut ulloq naamassiffik tunngavigalugu ilinniartunut nalunaarsuutit ukiut tamaasa ukiut kingulliit pingasut iluarsineqartarput. Siunissami ilinniarneq pillugu kisitsisitigut paasissutissat assigiiaarnerunissaat aamma ilinniartunut nalunaarsuutit kingumoortumik iluarsineqartarnissaat eqqarsaatigalugu taamatut suleriuseqartoqarpoq.

Naatsorsuineq

Ukiumut ataasiarluni ilinniartitaanermut kisitsisitigut paasissutissat suliarineqartarput. Ilinniakkamilli ingerlatsisunut ulloq 31/12 naatsorsuutini malinneqartarpoq.

Ilinniartitaanermut paasissutissani ilinniakkamut ingerlatsineq uuttuutitut atornerqarpoq. Ilinniakkamik ingerlatsinerit amerlassusaat inuillu amerlassusaat assigiinngillat. Assersuutigalugu ukiup ataatsip ingerlanerani ilinniartoq ilinniakkamik aallartitsisinnaavoq, aallartitaraluarnilu unitsillugu ukiullu ingerlanerani ilinniakkamik allamik allartitseqqilluni. Taamaasilluni aallartitsisimasutut marloriarluni naatsorsuutini ilaassaaq. Ilinniakkanik ingerlatsinerit inuillu amerlassusaat assigiissinnaapput aatsaat ilinniartunik ingerlatsisunik naatsorsuinermit. Ilinniartitaanermut kisitsisit paasissutissaat ilinniakkanik aallartitsisimasunik, ingerlatsisunik naamassinnissimasunillu

imaqarput, ilinniakkap qaffasissusaa, suiaaassuseq ukiullu malillugit immikkoortiterneqarsimasunik. Kisitsisillu immikkoortiterneqarput:

- Ilinniakkamik ingerlatsineq, nuna ilinniakkamik ingerlatsivik malillugu
- Kalaallit Nunaanni ilinniakkamik ingerlatsineq, ilinniarfik ilinniagarlu malillugit

Naatsorsueqqissaartarfiup ilinniartitaanermut kisitsisitigut paasissutissiaani UNESCO-p nunat tamalaat akornanni malittarisassaa ISCED2011-mik taaneqartoq malinneqarpoq. Taassuma saniatigut Naatsorsueqqissaartarfik Kalaallit Nunaanni ilinniakkat, ilinniakkap qaffasissusaa malillugu, immikkoortiternerat takussutissiaraa. Taaguutit takussutissiarlu www.stat.gl–imi Ilinniartitaanermut tunngasut ataanni nassaarineqarsinnaavoq.

Signatur forklaring:

... Oplysninger foreligger ikke
.. Oplysninger for usikre til at angives eller diskretionshensyn
. Tal kan efter sagens natur ikke forekomme
0 Mindre end halvdelen af den anvendte enhed
- Nul
* Foreløbigt eller anslået tal

Saaffiginniffissaq

Emil Malta

E-mail: emim@stat.gl

Ilinniartitaaneq

Grønlands Statistik
Postboks 1025 · 3900 Nuuk
Tlf.: +299 34 57 70 · Fax: +299 34 57 90
www.stat.gl · e-mail: stat@stat.gl

